

ZAKON O CARINSKOJ TARIFI BOSNE I HERCEGOVINE

(“Službeni glasnik Bosne i Hercegovine”, broj 1/98, 5/98, 7/98, 31/02, 19/03, 30/04,
32/04, 48/05, 76/06 i 35/09)

IZVOD

Zakon o carinskoj tarifi propisuje plaćanje carina za robu koja se uvozi na carinsko područje Bosne i Hercegovine, a prema Carinskoj tarifi koja je sastavni dio ovog zakona. Zakon sadrži osnovne elemente carinske zaštite privrede Bosne i Hercegovine, kao i prava i obaveze učesnika u carinskom postupku. Također, Carinska tarifa je propisana u skladu sa obavezama preuzetim međunarodim pravilima i sporazumima.

Zakon o carinskoj tarifi reguliše carinske obaveze za teritoriju Bosne i Hercegovine primjenjujući harmonizovani sistem klasifikacije.

Na osnovu Odluke o usaglašavanju i utvrđivanju Carinske tarife BiH za 2004. godinu utvrđuje se Carinska tarifa koja stupa na snagu 1. januara 2004.g. Zakonom o dopunama zakona o carinskoj tarifi Bosne i Hercegovine , Carinska tarifa u dijelu 2- Popis carinskih dažbina, iza glave 97 proširuje se novim dijelom pod naslovom: Tarifni aneks-tarifne kvote.

Carinska tarifa se sastoji od XXI odjeljka sa 97 glava. Proizvodi su klasificirani prema nomenklaturi harmonizovanog sistema tarifa. Proizvodi su navedeni prema tarifnom broju, opisu odgovarajuće glave i odjeljka.

Carinske stope izražene su u procentima i primjenjuju se na vrijednost uvezene robe (ad valorem), a za pojedinu robu za koju je u Carinskoj tarifi BiH naznačena i svota carine po količinskoj jedinici i kao iznos carine po količinskoj jedinici koja se obračunava na odgovarajuću količinu robe koja se uvozi.

ODJELJAK I Žive životinje; proizvodi životinjskog porijekla

Glava 1 - 5

1. Žive životinje – carinska stopa od 0 - 10% + (po količinskoj jedinici od 0,50 – 0,90 KM/kg)
2. Meso i jestivi klaonični proizvodi – carinska stopa od 5 - 10% + (po količinskoj jedinici od 1,20 - 2,50 KM/kg)
3. Ribe i ljuskavci, mekušci i ostali vodeni beskičmenjaci – carinska stopa od 0 - 10% + (samo za tri vrste ribe - po količinskoj jedinici 0,75 KM/kg)
4. Mlijeko i drugi mlijecni proizvodi; jaja peradi i ptičja jaja; prirodni med; jestivi proizvodi životinjskog porijekla, koji nisu spomenuti niti uključeni na drugom mjestu – carinska stopa od 0 - 10% + (po količinskoj jedinici od 0,30 - 2,00 KM/kg)
5. Proizvodi životinjskog porijekla, koji nisu spomenuti niti uključeni na drugom mjestu – carinska stopa od 0 - 5%

ODJELJAK II Biljni proizvodi**Glava 6 - 14**

6. Živo drveće i druge biljke; lukovice, korijenje i slično; rezano cvijeće i ukrasno lišće – carinska stopa od 0 - 10%
7. Jestivo povrće, neko korijenje i gomolji – carinska stopa od 0 - 10% + (po količinskoj jedinici od 0,10 - 0,30 KM/kg)
8. Jestivo voće i orašasti plodovi; kore agruma, dinja i lubenica – carinska stopa od 0 - 10% + (po količinskoj jedinici od 0,10 - 0,20 KM/kg)
9. Kahva, čaj, mate čaj i začini – carinska stopa 0 - 10%
10. Žitarice – carinska stopa od 0 - 10%
11. Proizvodi mlinске industrije; slad; škrob; inulin; pšenični gluten – carinska stopa od 0 - 10% + (po količinskoj jedinici od 0,15 - 0,20 KM/kg)
12. Uljano sjemenje i plodovi; razno zrnje, sjemenje i plodovi; industrijsko i ljekovito bilje; slama i stočna hrana – carinska stopa od 0 - 5% + (po količinskoj jedinici od 6,00 KM/kg)
13. Šelak; gume, smole i ostali biljni sokovi i ekstrakti – carinska stopa od 0 - 5%
14. Biljni materijali za pletarstvo; biljni proizvodi, što nisu spomenuti niti uključeni na drugom mjestu – carinska stopa 0%

ODJELJAK III Masti i ulja životinjskog ili biljnog porijekla te proizvodi njihove razgradnje; prerađene jestive masti; životinjski ili biljni voskovi**Glava 15**

15. Masti i ulja životinjskog ili biljnog porijekla te proizvodi njihove razgradnje; prerađene jestive masti; životinjski ili biljni voskovi – carinska stopa od 0 - 5%

ODJELJAK IV Proizvodi prehrambene industrije; pića, alkoholi i sirće; duhan i prerađene zamjene duhana**Glava 16 - 24**

16. Prerađevine od mesa, riba, ljuskavaca, mukušaca ili drugih vodenih beskičmenjaka – carinska stopa od 5 - 15% + (po količinskoj jedinici od 3,00 - 3,50 KM/kg)
17. Šećeri i proizvodi od šećera – carinska stopa od 0 - 10% + (po količinskoj jedinici 1,00 KM/kg)
18. Kakao i proizvodi kakaa – carinska stopa od 0 - 10% + (po količinskoj jedinici 1,00 KM/kg)
19. Proizvodi na osnovi žitarica, brašna, škroba ili mljeka; slastičarski proizvodi – carinska stopa od 0 - 15% + (po količinskoj jedinici od 0,20 - 1,50 KM/kg)
20. Proizvodi od povrća, voća, orašastih plodova ili ostalih dijelova biljaka – carinska stopa od 5 - 15% + (po količinskoj jedinici od 0,40 - 1,50 KM/kg)
21. Razni prehrambeni proizvodi – carinska stopa od 5 - 10% + (po količinskoj jedinici od 0,50 - 1,50 KM/kg)
22. Pića, alkoholi i sirće – carinska stopa od 10 - 15% (po količinskoj jedinici od 0,15 - 2,00 KM/l)

23. Ostaci i otpaci od prehrambene industrije; pripremljena životinjska hrana – carinska stopa od 0 - 5%
24. Duhan i prerađene zamjene duhana – carinska stopa 15%

ODJELJAK V Mineralne tvari
Glava 25 - 27

25. Sol; sumpor; zemlja i kamen; gips, kreč i cement – carinska stopa od 0 - 5% + (sol za ljudsku prehranu, po količinskoj jedinici 0,15 KM/kg)
26. Rudače, troske i pepeli – carinska stopa od 0 - 5%
27. Mineralna goriva, mineralna ulja i proizvodi njihove destilacije; bitumenske tvari, mineralni voskovi – carinska stopa od 0 - 10%

ODJELJAK VI Proizvodi hemijske industrije ili srodnih industrija
Glava 28 - 38

28. Anorganski hemijski proizvodi; organska i anorganska jedinjenja plemenitih metala, metala rijetkih zemlji, radioaktivnih elemenata i izotopa – carinska stopa od 0 - 5% + (za natrijev bikarbonat, po količinskoj jedinici 0 + 0,20 KM/kg)
29. Organska hemijska jedinjenja – carinska stopa od 0 - 10%
30. Farmaceutski proizvodi – carinska stopa od 0 - 10%
31. Gnojiva – carinska stopa od 0 - 5%
32. Ekstrakti za štavljenje ili bojenje; tanini i njihovi derivati; bojila, pigmenti i druge tvari za bojenje; pripremljene premazne boje i lakovi; kitovi i druge zaptivne mase; štamparske boje i crnila – carinska stopa od 0-10%
33. Eterična ulja i rezinoidi; parfimerijski, kozmetički ili toaletni proizvodi – carinska stopa od 0 - 15%
34. Sapun, organska površinski aktivna sredstva, preparati za pranje, preparati za podmazivanje, umjetni voskovi, pripremljeni voskovi, preparati za poliranje i čišćenje, svijeće i slični proizvodi, paste za modeliranje, "zubarski voskovi" te zubarski preparati na osnovi gipsa – carinska stopa od 0 - 10%
35. Bjelančevinaste tvari; modificirani škrobovi; ljepila; enzimi – carinska stopa od 0 - 10%
36. Eksplozivi; pirotehnički proizvodi; šibice, piroforne legure; zapaljivi dodaci – carinska stopa od 0 - 5%
37. Proizvodi za fotografsku i kinematografsku upotrebu – carinska stopa od 0 - 10%
38. Razni proizvodi hemijske industrije – carinska stopa od 0 - 5%

ODJELJAK VII Plastične mase i proizvodi od plastičnih masa; kaučuk i proizvodi od kaučuka i gume
Glava 39 - 40

39. Plastične mase i proizvodi od plastičnih masa – carinska stopa od 0 - 15%
40. Kaučuk i proizvodi od kaučuka i gume – carinska stopa od 0 - 15%

ODJELJAK VIII Sirova koža sa dlakom ili bez dlake, štavljena

koža, krvna i proizvodi od krvna; sedlarski i remenarski proizvodi; predmeti za putovanje, ručne torbe i slični spremnici; predmeti od životinjskih crijeva

Glava 41 - 43

41. Sirova koža sa dlakom i bez dlake (osim krvna) i štavljeni koža – carinska stopa od 0 - 5%
42. Proizvodi od kože; sedlarski i remenarski proizvodi; predmeti za putovanje, ručne torbe i slični spremnici; proizvodi od životinjskih crijeva – carinska stopa od 0 - 10%
43. Prirodno i umjetno krvno; proizvodi od krvna – carinska stopa od 5 - 15%

ODJELJAK IX

Drvo i proizvodi od drva; drveni ugalj; pluto i proizvodi od pluta; proizvodi od slame, esparta ili drugih materijala za pletarstvo; košarački i pletarski proizvodi

Glava 44 - 46

44. Drvo i proizvodi od drva; drveni ugalj - carinska stopa od 0 - 10%
45. Pluto i proizvodi od pluta – carinska stopa od 0 - 5%
46. Proizvodi od slame i esparta i od ostalih materijala za pletarstvo, košarački i pletarski proizvodi – carinska stopa od 5 - 10%

ODJELJAK X

Drvna celuloza ili celuloza od ostalih vlaknastih celuloznih materijala; papirni i kartonski ostaci i otpaci namijenjeni ponovnoj preradi; papir i karton te proizvodi od papira i kartona

Glava 47 - 49

47. Drvna celuloza ili celuloza od ostalih vlaknastih celuloznih materijala; papirni i kartonski ostaci i otpaci namijenjeni ponovnoj preradi – carinska stopa od 0 - 5%
48. Papir i karton; proizvodi od papirne mase, papira ili od kartona – carinska stopa od 0 - 15%
49. Štampane knjige, novine, slike i ostali proizvodi grafičke industrije, rukopisi, kucani tekstovi i planovi – carinska stopa od 0 - 10%

ODJELJAK XI

Tekstil i tekstilni proizvodi

Glava 50 - 63

50. Svila – carinska stopa od 0 - 10%
51. Vuna, fina ili gruba životinjska dlaka; pređa i tkanine od konjske dlake – carinska stopa od 0 - 10%
52. Pamuk – carinska stopa od 0 - 10%
53. Ostala biljna tekstilna vlakna; papirna pređa i tkanine od papirne pređe – carinska stopa od 0 - 10%
54. Umjetni ili sintetički filamenti – carinska stopa od 0 - 10%
55. Umjetna ili sintetička vlakna, rezana – carinska stopa od 0 - 10%

56. Vata, filc i netkani materijal; posebna pređa; konopi, uzice i užad te proizvodi od njih – carinska stopa od 5 - 10%
57. Tepisi i drugi tekstilni podni pokrivači – carinska stopa od 10 - 15%
58. Posebne tkanine; tekstilni proizvodi dobiveni tafting postupkom; čipke; tapiserije; pozamanterija; vez – carinska stopa od 5 - 10%
59. Tekstilni materijali impregnirani, premazani, prevučeni, prekriveni ili laminirani; tekstilni proizvodi prikladni za tehničku upotrebu – carinska stopa od 0 - 10%
60. Pleteni ili heklani materijali – carinska stopa 10%
61. Odjeća i pribor za odjeću, pleteni ili heklani – carinska stopa 15%
62. Odjeća i pribor za odjeću, osim pletenih i heklanih – carinska stopa 15%
63. Ostali gotovi tekstilni proizvodi; kompleti; korištena odjeća i korišteni tekstilni proizvodi; krpe – carinska stopa od 0 -15%

ODJELJAK XII **Obuća, šeširi, kape i ostala pokrivala glave; kišobrani, suncobrani, štapovi, bičevi, korbači i njihovi dijelovi; preparirano perje i proizvodi od perja; umjetno cvijeće; proizvodi od ljudske kose**

Glava 64 - 67

64. Obuća, nazuvci i slični proizvodi, dijelovi tih proizvoda – carinska stopa od 10 -15%
65. Šeširi, kape i ostala pokrivala za glavu i njihovi dijelovi – carinska stopa od 10 - 15%
66. Kišobrani, suncobrani, štapovi, štapovi-stolice, bičevi, korbači i njihovi dijelovi – carinska stopa od 10 - 15%
67. Preparirano perje i paperje i proizvodi izrađeni od perja i paperja; umjetno cvijeće; proizvodi od ljudske kose – carinska stopa 10%

ODJELJAK XIII **Proizvodi od kamena, gipsa, cementa, betona, azbesta, liskuna ili sličnih materijala; keramički proizvodi; staklo i stakleni proizvodi**

Glava 68 - 70

68. Proizvodi od kamena, gipsa, cementa, betona, azbesta, liskuna i sličnih materijala – carinska stopa od 0 - 10%
69. Keramički proizvodi - carinska stopa od 5 - 15%
70. Staklo i stakleni proizvodi – carinska stopa od 0 - 15%

ODJELJAK XIV **Prirodni i kultivirani biseri, dragulji i poludragulji, plemeniti metali, metali platirani plemenitim metalima i proizvodi od njih; imitacije draguljarskih predmeta; metalni novac**

Glava 71

71. Prirodni i kultivirani biseri, dragulji i poludragulji, plemeniti metali, metali platirani plemenitim metalima, i proizvodi od njih, imitacije draguljarskih predmeta, metalni novac – carinska stopa od 0 - 15%

ODJELJAK XV **Obični metali i proizvodi od običnih metala**

Glava 72 - 83

- 72. Željezo i čelik – carinska stopa od 0 - 10%
- 73. Proizvodi od željeza i čelika – carinska stopa od 0 - 10%
- 74. Bakar i proizvodi od bakra – carinska stopa od 0 - 15%
- 75. Nikl i proizvodi od nikla – carinska stopa od 0 - 5%
- 76. Aluminij i proizvodi od aluminija – carinska stopa od 0 - 10%
- 78. Olovo i proizvodi od olova – carinska stopa od 0 - 10%
- 79. Cink i proizvodi od cinka – carinska stopa od 0 - 10%
- 80. Kalaj i proizvodi od kalaja – carinska stopa 0%
- 81. Ostali obični metali; kermeti; proizvodi od njih – carinska stopa od 0 - 5%
- 82. Alati, nožarski proizvodi i pribor za jelo od običnih metala; njihovi dijelovi od običnih metala – carinska stopa od 0 - 10%
- 83. Razni proizvodi od običnih metala – carinska stopa od 5 - 10%

ODJELJAK XVI Mašine, aparati i mehanički uređaji te elektrotehnička oprema i njihovi dijelovi; aparati za snimanje i reprodukciju zvuka, aparati za snimanje i reprodukciju televizijske slike i zvuka, dijelovi i pribor za te proizvode

GLAVA 84 - 85

- 84. Nuklearni reaktori, kotlovi, mašine, aparati i mehanički uređaji; njihovi dijelovi – carinska stopa od 0 - 15%
- 85. Električne mašine i oprema i njihovi dijelovi; aparati za snimanje ili reprodukciju zvuka; televizijski aparati za snimanje ili reprodukciju slike i zvuka i dijelovi i pribor za te proizvode – carinska stopa od 0 - 15%

ODJELJAK XVII Vozila, avioni, plovila i prijevozu pridružena oprema

Glava 86 - 89

- 86. Tračnička vozila i njihovi dijelovi; kolosiječni sklopovi i pribor i njihovi dijelovi; mehanička i elektromehanička signalna oprema za prometne puteve svih vrsta – carinska stopa od 0 - 10%
- 87. Vozila, osim tračničkih vozila i njihovi dijelovi i pribor – carinska stopa od 0 - 15%
- 88. Letjelice, svemirske letjelice i njihovi dijelovi – carinska stopa od 0 - 5%
- 89. Brodovi, brodice i ploveće konstrukcije – carinska stopa od 0 - 10%

ODJELJAK XVIII Optički, fotografski, kinematografski i mjerni instrumenti, instrumenti za ispitivanje tačnosti, medicinski instrumenti i aparati; satovi; muzički instrumenti; njihovi dijelovi i pribor

Glava 90 - 92

- 90. Optički, fotografski, kinematografski i mjerni instrumenti, instrumenti za ispitivanje tačnosti, medicinski instrumenti i aparati; njihovi dijelovi i pribor – carinska stopa od 0 - 15%
- 91. Satovi i njihovi dijelovi – carinska stopa od 5 - 10%

92. Muzički instrumenti, dijelovi i pribor za te proizvode – carinska stopa od 0 - 10%

ODJELJAK XIX Oružje i municija; njihovi dijelovi i pribor
Glava 93

93. Oružje i municija; njihovi dijelovi i pribor – carinska stopa 0 - 15%

ODJELJAK XX Razni proizvodi
Glava 94 - 96

94. Namještaj; nosači madraci; oprema za krevete i slični proizvodi (madraci, jastuci i slični punjeni proizvodi); svjetiljke i druga rasvjetna tijela koja nisu spomenuta niti uključena na drugom mjestu; osvijetljeni znakovi, osvijetljene pločice sa imenima ili slično; montažne zgrade – carinska stopa 10%

95. Igračke, rekviziti za društvene igre i sport; njihovi dijelovi i pribor – carinska stopa od 5 - 15%

96. Razni proizvodi – carinska stopa od 0 - 15%

ODJELJAK XXI Umjetnine, kolekcionarski predmeti i starine (antikviteti)
Glava 97

97. Umjetnine, kolekcionarski predmeti i starine (antikviteti) – carinska stopa od 0 – 5 %

TARIFNI ANEKS-TARIFNE KVOTE

Uvedene su količinske kvote za uvoz proizvoda pod tarifnim brojevima: 0202 30 90 00; 0203 19 15 00; 02030 22 19 00; ex 0207 14 10 20 i 0210 11 31 00.

Uvozno meso bit će korišteno samo za proizvodnju proizvoda iz tarifne oznake 0210 i za proizvode iz glave 16. koji su kuhanji na temperaturi u centru preko 70 C ili sušeni s kalom sušenja preko 25%.

Korištenje uvoznih tarifnih kvota se veže za otkup domaće primarne proizvodnje u omjeru:

- za svinjsko meso 2:1 (za 2 kg otkupljene žive mjere od domaćih proizvođača odobrava se 1 kg uvozne predmetne kvote)
- za pileće meso 1:3 (za 1 kg otkupljenog mašinski iskorištenog pilećeg mesa od domaćih proizvođača odobrava se 3 kg uvozne predmetne kvote)
- za goveđe meso 1:3 (za 1 kg otkupljene žive mjere junadi ili goveda od domaćih proizvođača odobrava se 3 kg uvozne predmetne kvote).

Zakon o carinskoj tarifi je objavljen 11. februara 1998. godine, a stupio je na snagu 11. marta 1998. godine.

Zadnje izmjene i dopune Zakona o Carinskoj tarifi Bosne i Hercegovine objavljene su u "Službenom glasniku BiH", broj 35/09, od 05. maja 2009. godine, a Zakon je stupio na snagu 13. maja 2009. godine.